

ԷԳԵՅԱՆ ԿԳԶԻՆԵՐԸ ԵՎ ԻՄՊԵՐԻԱԼԻՍՏԱԿԱՆ ՏԵՐՈՒԹՅՈՒՆՆԵՐԻ
ՔԱՂԱՔԱԿԱՆՈՒԹՅՈՒՆԸ (1912—1914)

Գ. Ս. ՔԻԼԻՄՋՅԱՆ

Բաղկանյալն պատերազմներում Օսմանյան կայսրությանը պարտվեց և հիմնականում կորցրեց իր եվրոպական տիրույթները: Թուրքական տիրապետությունը վերացավ նաև Էգեյան ծովի այն կղզիներում, որոնք գրավվել էին հունական ռազմա-ծովային ուժերով: Դա լուրջ տազնապ առաջացրեց Թուրքիայի կառավարող շրջաններում, որոնց առաջին հերթին մտահոգում էր նեղուցների ու Փոքրասիական ամիագծի անվտանգությունը ապահովող կղզիների ճակատագիրը:

Մյուս կողմից, Բաղկաններում ստեղծված իրավիճակը անմիջականորեն շոշափում էր նաև իմպերիալիստական տերությունների ռազմա-քաղաքական ու տնտեսական շահերը: Ուստի, Թուրք-բալկանյան կոնֆլիկտում նրանք հանդես եկան եռանդուն միջամտությամբ, նրա կարգավորման պատրվակով պատերազմող կողմերին պարտադրելով իրենց շահերին համապատասխան որոշումներ: Այդ նպատակով 1912 թ. դեկտեմբերին Անգլիայի, Ֆրանսիայի, Իտալիայի, Գերմանիայի, Ավստրո-Հունգարիայի և Ռուսաստանի դեսպանները լոնդոնում գումարեցին կոնֆերանս, քննարկելով պատերազմի հետևանքով առաջացած հրատապ ինդիքները, որոնց թվում էր նաև Էգեյան ծովի կղզիների ապագան: Դրանով հիշյալ տերությունները հետապնդում էին Արևելյան Միջերկրականում իրենց ազդեցությունը ուժեղացնելու նպատակ: Խնդիրն, ի վերջո, առնչվում էր Հունաստանի և Օսմանյան կայսրության նկատմամբ մեծ տերությունների վարած քաղաքականության, ինչպես նաև՝ նեղուցների ու ռազմա-ստրատեգիական նշանակություն ունեցող կղզիների հարցի հետ: Դրան առավել բարդություն էր տալիս այն, որ Խալկիան 1911—1912 թթ. Թուրքիայից գրավելով Դոդեկանեսյան արշիպելագը, հավակնում էր գրանցում հաստատվել և իր ազդեցությունը տարածել ոչ միայն Արևելյան Միջերկրականում, այլև՝ Արևմտյան Անատոլիայում:

Ռուսական դիվանագիտությունը չէր կարող անտարբերության վերաբերվել Էգեյան ծովի կղզիները Հունաստանի տիրապետության տակ անցնելու փաստին: Նրան առաջին հերթին անհանգստացնում էր Էգեյան ծովում Հունաստանի գերիշխանության հաստատման հեռանկարը, որը կարող էր սպառնալ նեղուցների անվտանգությանը: «Այն օրը, երբ Էգեյան ծովում հունները ունենան տաս տրեդնոուդ, ապա ի՞նչ արժեք կունենա նեղուցների ազատությունը» — իր տազնապն էր արտահայտել ռուսական կայսրության արտաքին գործերի մինիստր Սազոնովը¹:

Էգեյան ծովում Հունաստանի, հետևաբար՝ Անգլիայի գերիշխանության հաստատման հեռանկարը Սազոնովին ստիպում էր հանդես գալու բոլոր կղզի-

¹ Documents diplomatiques Français relatifs aux origines de la guerre de 1914. (այսուհետև՝ D. D. F.), 3-ème série (1911—1914). Paris, 1929—1936. t. VIII, p. 175.

ները Օսմանյան կայսրութեան կազմում պահելու ձգտումով: Ուստի Բալկանյան պատերազմի սկզբում Սազոնովը հալտարարեց, որ Հունաստանը կստանա Կրետեն ժրայց ուրիշ և ոչ մեկ կղզի²: Սակայն, երբ հունական նավատորմը դրավեց կղզիները, Սազոնովը սկսեց որոնել նեղուցների անվտանգութիւնը ապահովող լուծում:

Այդ առումով, առաջին պլանի վրա էր դրվում Իմբրոս, Լեմնոս, Թենեդոս և Սամոթրակիա կղզիների պատկանելութեան հարցը, որոնք իրենց աշխարհագրական դիրքով և ռազմա-ստրատեգիական նշանակութեամբ կապվում են նեղուցների հետ: Չափազանց բարձր գնահատելով այդ կղզիների դերը նեղուցների պաշտպանութեան գործում, ռուսական դիվանագիտութիւնն առաջարկում էր դրանք թողնել Թուրքիայի կազմում: Պետերբուրգում համոզված էին, որ այդ կղզիները հետամնաց և թույլ Թուրքիայի ձեռքում չեն կարող Ռուսաստանի համար էական սպառնալիք ստեղծել, այնինչ՝ դրանց անցումը մեկ այլ պետութեան նեղուցների անվտանգութեան առումով, հարված կհասցնէ իրենց շահերին³, Ուստի, վերահիշյալ կղզիների անցումը Հունաստանին ռուսական դիվանագիտութիւնը համարում էր միանգամայն անընդունելի սորովհետեւ դրանք իրենցից ներկայացնում են Դարդանելի մուտքը շրջափակող բանալի⁴:

Նեղուցների համար մղվող պայքարը Մերձավոր Արեւելքում ռուսական քաղաքականութեան հիմնական հարցն էր: Ռուսական իմպերիալիզմի համոզմամբ նեղուցների փնդրի միակ աղմատական լուծումը կայանում էր դրանք անմիջականորեն գրավելու մեջ: Ուրեմն, նեղուցների անվտանգութիւնը ապահովելու համար Ռուսաստանը պետք է գրավէր նաև հարակից կղզիները: Ահա այս էր Պետերբուրգում տիրող տեսակետը⁵:

Նման դիտավորութիւնն, անշուշտ, գաղափար չէր, և մյուս տերութիւնները աշխուրջ հետևում էին Ռուսաստանի յուրաքանչյուր քայլին:

Ֆրանսիան հանդես էր գալիս էգեյան ծովի բոլոր կղզիները հունական ճանաչելու ծրագրով: Այդ վերաբերում էր նաև Դոդեկանէզյան արշիպելագին, որը գրավել էին իտալացիները:

Նման մոտեցումը բխում էր ոչ թե կղզիների քնակչութեան ազգային պատկանելութեան սկզբունքից, այլ՝ Արեւելյան Միջերկրականում ու Լեանտի երկրներում ֆրանսիական շահերը պաշտպանելու քաղաքականութիւնից⁶, Բացի այդ, Իտալիան Նոյակ դաշինքի անդամ էր և այդ հանգամանքը Փարիզում գնահատվում էր որպէս լուրջ վտանգ: Այդպիսով, էգեյան ծովի բոլոր կղզիները հունական ճանաչելու համառ ձգտման տակ թաքնված էր շատ կարևոր պատճառ. «Հունաստանի կապակցութեամբ գրված խնդիրը ավելի քան կարևոր է,—գրում էր Ֆրանսիայի արտաքին գործերի մինիստրը: Դա վերաբերում է Միջերկրականում մեր անվտանգութեանը»⁷:

Այդպիսով, էգեյան կղզիների խնդիրը ֆրանսիական կառավարութեան

² Նույն տեղում:

³ Նույն տեղում, հ. 5, էջ 299:

⁴ Центральный Государственный архив Военно-морского флота, ф. 418, оп. 1, д. 2936, л. 28.

⁵ История дипломатии, т. II, М., 1963, стр. 761.

⁶ D. D. F., t. v. p. 85.

⁷ Նույն տեղում, հ. 7, էջ 540:

համար սոցիալականորեն Ֆրանսիայի պետական շահերը շոշափող հարց էր: Արտաքինից թվում էր, թե Ֆրանսիան պաշտպանում էր հունական պառավարության շահերը, այնինչ, Ֆրանսիան ձգտում էր կանխել իտալական էքսպանսիան Արևելյան Միջերկրականում և Լեանտոսում, Հունաստանին դիմելով իտալիային հակադրող ուժ: Հունաստանը մրցման մեջ էր մտնելու իտալական բուրժուազիայի հետ, և անհերքելի կամ՝ նվազեցնելով նրա տնտեսական գործունեությունը՝ սովորաբար շրջանում⁸:

Էգեյան կղզիները Թուրքիային կամ Հունաստանին պատկանելու հարցում Անգլիան հետապնդում էր Դոգերանեզյան արշավագիծը իտալիային հնացնելու մոպատակը: «Անգլիան, հավանաբար, սովելի քան՝ մենք, վախենում է Արևելյան Միջերկրականի սովազանում իտալիայի հաստատումից և փափագում է այդ կղզիների շտատափույթ էվակուացիան», — հաղորդում էր Լոնդոնի ֆրանսիական դեսպանը⁹: Այդ նպատակի իրականացման համար միջոց էր համարվում Դոգերանեզյան Թուրքիային վերադարձնելը¹⁰ և արշավելագի քննարկներին լայն ինքնավարություն շնորհելը¹¹:

Գերմանիայի պառավարող շրջաններում էգեյան ծովի կղզիների խնդրում գործություն ունեւ երկու տեսակետ: Արտաքին գործերի մինիստրության պատասխանատու աշխատողները Թուրքիային դիմելով որպես ապագա պատերազմում լիբնց դաշնակից, հանդես էին գալիս նրա շահերի պաշտպանության մը: Մյուս հոսանքը, կայսրի գլխավորությամբ, ենթադրում էր, որ Գերմանիան ունի ազդեցություն բավականաչափ միջոցներ ու լծակներ, որոնցով կկարողանա Թուրքիային թեքել իր պողմնը: Ուստի, կղզիների հարցում պաշտպանելով Հունաստանին, նրանք աշխատում էին վերջինիս ներգրավել Նոյակ դաշինքի մեջ: Դա լիք արտացոլումը գտավ կղզիների հարցի քննարկման ընթացքում¹²:

Գերմանական պառավարությունը հանդես էր գալիս Խմբոս, Լեմնոս, Թենեդոս և Մամոթրոսի կղզիները Թուրքիայից անջատելու ձգտումների դեմ, համոզված լինելով, որ այդ կղզիներում օտար տիրապետության հաստատման դեպքում վտանգի կենթարկվի նեղուցների անվտանգությունը: Սակայն, ի տարբերություն ռուսական առաջարկի, Բեռլինը համաձայն էր հիշյալ կղզիներին ինքնավարություն շնորհելուն¹³:

Քննարկվող խնդրում յուրահատուկ էր իտալական կառավարության դիրքավորումը: Նա շատ լավ էր ըմբռնում, որ բոլոր կղզիները հունական ճանաչելու առաջարկի ներքո թաքնված է Արևելյան Միջերկրականում իտալիայի ազդեցությունը վերացնելու Անգլիայի ու Ֆրանսիայի մտադրությունը: Այստեղից էլ թիսում էր այն համառ դիմադրությունը, որ ցուցաբերում էր իտալիան կղզիները հունական ճանաչելու գործում:

Համագործակցելով Թուրքիայի հետ, որպես փոխհատուցում, իտալիան կոնցեսիաներ էր պահանջում Արևմտյան Անատոլիայում, մասնավորա-

⁸ Նույն տեղում, էջ 540:

⁹ Նույն տեղում, էջ 596:

¹⁰ Նույն տեղում, հ. 8, էջ 30:

¹¹ Նույն տեղում, էջ 776:

¹² А. С. Аветян, Германский империализм на Ближнем Востоке, М., 1966, стр. 47—48.

¹³ D. D. F., t. V, p. 108.

պես՝ Ադալիա-Ալդըն երկաթուղագիծը կառուցելու գործում¹⁴։ Մյուս կողմից, իտալական կառավարությունը նշում էր, որ Դոգեկանեզը Թուրքիային վերադարձնելու դեպքում ինքը հենակետ է պահանջելու Ադալիայի ծոցում¹⁵։ Դրանից բացի, իտալիան պահանջներ էր ներկայացնում Փոքր Ասիայում և Դոգեկանեզում, մասնավորապես՝ վերջինի տեղական ժանդարմերիայի և վարչական մարմինների կառավարման գործում¹⁶։

Ավստրո-հունգարական կառավարությունը կղզիների հարցում հետևում էր Գերմանիային ու իտալիային։

Այսպիսին էին կղզիների խնդրի լուծման գործում իմպերիալիստական տերությունների տեսակետները։

Հեղյան կղզիների խնդրի շուրջ բուն վիճաբանություններ սկսվեցին դեսպանաժողովի առաջին իսկ նիստում։ Հանդես գալով որոշ կղզիներ Թուրքիային թողնելու առաջարկների դեմ, Ֆրանսիական դեսպան Պոլ Կամբոնը հայտարարեց, որ իր կառավարությունը ոչ մի առարկություն չունի ամբողջ կղզիները Հունաստանին զիջելու գործում։ Այնուհանդերձ, նա նշեց, որ եթե ուսական կառավարությունը ցանկանում է որոշ վերապահումներ կատարել այդ հարցում, ապա կարելի է ապառազմականացնել նեղուցներին կից կղզիները¹⁷։

Ֆրանսիական առաջարկին համաձայնություն տվեց դեսպանաժողովի նախագահ, Անգլիայի առաջին գործերի մինիստր Էդ. Գրեյը։ Նա նաև առաջարկեց ապառազմականացման սկզբունքը տարածել Հեղյան ծովի բոլոր կղզիների վրա¹⁸։ Դա համապատասխանում էր բոլոր մեծ տերությունների շահերին, քանի որ փոխադարձորեն կշեղոքացներ Հեղյան ծովում ռազմատեղակայումներ փնտրող յուրաքանչյուր տերության հնարավոր փորձերը։ Այդ է պատճառը, որ դեռևս սկզբունքորեն չլուծվելով կղզիների հետագա ճակատագիրը, նրանք կանխարգելում էին միմյանց ագրեսիվ նպատակները։

1913 թ. հունվարի 2-ին, հակասությունների և փոխադարձ անվստահություն մթնոլորտում, իմպերիալիստական տերությունների դեսպանները կրկին անդրադարձան Հեղյան կղզիներին։ Ռուսական դեսպան Բենեկենդորֆը ներկայացրեց իր կառավարության նոր առաջարկությունը, որովհետև նախկինը հանդիպել էր Ֆրանսիայի առարկությունը, ինչպես նաև հուլիսին արամադրել ուսական կառավարության դեմ¹⁹։ Ելնելով անհղժված իրադրությունից, Սազոնովը ստիպված էր համաձայնվել Հեղյան ծովի բոլոր կղզիները Հունաստանին հետ միավորելու գաղափարին։ Սակայն նա պարման էր դնում, որ Դարդանելի շրջանում գտնվող շրջակայքը պետք է ապառազմականացվեն, ռազմա-ստրատեգիական նպատակներով երբեք չօգտագործվեն և չտրամադրվեն այլ տերություն²⁰։

Այդպիսով, Ռուսաստանը միացավ Հեղյան ծովի բոլոր կղզիները Հունաստանին զիջելու Ֆրանսիայի տեսակետին։ Դրանով ամրացավ Եռյակ համաձայնություն քաղաքականությունը, որը հետագանում էր Միջերկրական

14 Նույն տեղում, հ. 8, էջ 639։

15 Նույն տեղում, հ. 7, էջ 632։

16 Նույն տեղում, հ. 8, էջ 790։

17 Նույն տեղում, հ. 5, էջ 103։

18 Նույն տեղում։

19 Նույն տեղում, էջ 183։

20 Նույն տեղում։

ծովի արեւելյան շրջանը իտալական ազդեցությունից վերացնելու նպատակը: Ֆրանսիայի պրեզիդենտ Պուանկարեն, ոգևորված այդ միասնությունից, գրեց. «Ես խորին գոհունակությամբ եմ դիտում այն փաստը, որ Վիզիները Հունաստանին զիջելու խնդրում միասնական տեսակետ գոյություն ունի Գրեյի, Ռուսաստանի և մեր միջև»²¹: Այդ միասնությունը գրավական էր այն հաղթանակի, որ մղվում էր այդ շրջանում հաստատվելու ջանքեր գործադրող Նոյակ դաշինքի համեմատաբար թույլ անդամի դեմ: «Խառնակի գաղտնի դիտավորությունը չի վարող շամրապնդել մեր տեսակետը», — եզրափակում էր Պուանկարեն²²:

Այժմ արդեն Գրեյը որոշեց հստակորեն ձևակերպել և վերջնական դարձնել կղզիները Հունաստանին զիջելու առաջարկը: Սակայն արդյո՞ք հսկանակ խմբավորման տերությունները համամիտ վրինեին դրան: Հուլիս էր անդադրում գերմանական դեսպան Լիխնովսկու հունվարի 2-ի նիստում արած հայտարարությունը, որ էգեյան ծովի կղզիների խնդրում իր վառավարության շահագրգռվածությունը կրում է սոսկ երկրորդական բնույթ: Ուստի, նա պատրաստ էր միանալու այդ առթիվ կայացած տերությունների ամեն որոշմանը²³: Իսկ իտալական դեսպանը շարունակում էր հանգես գալ դիտորդի դերում, պատրվակելով, որ ինքը դեռևս չունի համապատասխան հրահանգներ:

Վերջապես, հունվարի 4-ին Գրեյը առաջարկեց ընդունել հետևյալ որոշումը. Թուրքիան պարտավորվում է լքել էգեյան ծովի բոլոր կղզիները և դաշնակիցները այդ կետում նույնպես պետք է բավարարություն տառնան, ինչպես և մնացյալ պահանջներում²⁴:

Թուրքիային հանգստացնելու համար նշվում էր, որ տերությունները ջանքեր կգործադրեն ռազմա-ստրատեգիական նշանակություն ունեցող կղզիներում ստեղծել այնպիսի վարչություն, որը ենթակա լինելով ապառազմակենացման պայմանին, վրացառի Թուրքիային ապառնալիք ստեղծելու հնարավորությունը:

Սակայն իտալիան կտրականապես առարկեց հարցի այդօրինակ լուծմանը, նշելով, որ «բոլոր տերությունները իրենց հավանությունը չեն արտահայտել էգեյան կղզիները Հունաստանին հանձնելու վերաբերյալ, ուստի և տերությունների համաձայնությունը այդ որոշման կապակցությամբ չի կարելի ընդունված համարել»²⁵: Այդպիսով, իտալիան քաջահայտորեն հրաժարվեց Դոդեկանեսյան արշիպելագը թողնելու Նոյակ համաձայնություն անսղդակի պահանջը, որ նա հուլիս ուներ պահել՝ հենվելով իր դաշնակիցների աջակցության վրա:

Կղզիների հարցում իր վերաբերմունքը փոխեց նաև գերմանական վառավարությունը: Հունվարի 6-ին Լիխնովսկին նշեց, որ «արդարություն ու չեզոքություն սկզբունքը» հսկանակ է Ագրիանոպոլիսն ու բոլոր կղզիները Թուրքիայից վերցնելու գաղափարին: Նրա վարժիքով, Թուրքական կառավարությունը եթե Ագրիանոպոլիսի հարցում զիջեր, ապա անհրաժեշտ կլիներ նրան թողնել Դարդանեղի շրջանի կղզիները, ինչպես նաև՝ Քիոսն ու Միթիլենը²⁶:

²¹ Նույն տեղում, էջ 235:

²² Նույն տեղում:

²³ Նույն տեղում, էջ 188:

²⁴ Նույն տեղում, էջ 195, 199:

²⁵ Նույն տեղում:

²⁶ Նույն տեղում, էջ 233:

Գերսնական կառավարութեան նման շրջադարձը հետևանք էր մերձավորարևելյան քաղաքական կուրսի այն փոփոխման, որ տեղի ունեցավ Կիզելբենի մահովանից (31. XII. 1912) անմիջապես հետո: Գերմանիայի պետական նոր քարտուղար Ֆրանց Գադովը և նրա կողմնակիցները պաշտպանում էին Թուրքիայի ամբողջականութունը պահպանելու և նրա հետ համագործակցելու տեսակետը: «Առանձնապես ղգալի է Արևելքի խնդիրների հանդեպ կիրառվող քաղաքականութեան փոփոխութիւնը»²⁷, — հունվարի 20-ին հաղորդեց Գերմանիայում ֆրանսիական դեսպան ժյուլ Կամբոնը:

Այսպիսով, Եռյակ համաձայնութեան տերութիւնները հանդես էին գալիս էգեյան ծովի բոլոր կղզիները Հունաստանին հանձնելու առաջարկով, դրանով հետապնդելով Իտալիային Արևելյան Միջերկրականից հեռացնելու և այնտեղ իրենց անմիջական ազդեցութիւնը հաստատելու նպատակ:

Հակառակ խմբավորումը կտրականապես հրաժարվում էր միանալ Անտանտի տեսակետին: Դրանում Իտալիան տեսնում էր Դոդեկանեսը թողնելու վտանգը՝ իր բոլոր հետևանքներով: Իսկ գերմանական իմպերիալիզմը վճռականորեն հանդես էր գալիս իր պատենցիալ դաշնակցի շահերի նախանձախնդիր պաշտպանութեամբ: Այդ հակամարտութիւնների հետևանքով հարցը մնում էր անուժեղի:

Լոնդոնի հաշտութեան բանակցութիւնների սկզբում Սազոնովը Թուրքիային ստորոնաց, որ եթե նա հրաժարվի դաշնակիցների պահանջները բավարարելուց և ձգձգի բանակցութիւնները և կամ դրանք խզվեն, ապա «Ռուսաստանի շեղորոշութունը չի կարող երաշխավորվել»²⁸, Իսկ լավատեղյակ մամուլն ալեւացնում էր, որ նման դեպքում Ռուսաստանը, որպես հարկադրանք, ստիպված կլինի գրավել Վանի, Բիթլիսի, Էրզրումի ու Տրապիզոնի վիլայեթները, ինչպես նաև՝ նեղուցները²⁹, Այդ սպառնալիքն անհիմն չէր: Կովկասյան սահմանում կատարվում էին բանակային մեծ կենտրոնացումներ: Իրադարձութիւնների նման ծավալումը, որն առաջ էր բերելու Փոքր Ասիան բաժանելու խնդիրը, սպառնում էր համաեվրոպական պատերազմի վտանգով:

Երջորեն անհանգստացած Ռուսաստանի ելույթից, Ֆրանսիան և Անգլիան որոշեցին գործին տալ ընդհանուր բնույթ և արագացնել հաշտութեան պայմանների ընդունումը: Հունվարի 4-ին Գրեյը առաջարկեց կազմակերպել տերութիւնների ընդհանուր ելույթ՝ դաշնակիցների պահանջները թուրքական վառավարութեանը հարկադրելու նպատակով: Անգլիայի արտաքին գործերի մինիստրի համոզմամբ, թուրքական կառավարութիւնը կարող էր տեղի տալ միայն բոլոր վեց տերութիւնների միասնական ճնշմամբ, ուստի առաջարկեց Կ. Պոլսի ջրերում ծովային ցույց կատարել³⁰:

Այնուհետև, նա գտնում էր անհրաժեշտ վազմել մի հուշագիր, որտեղ պետք է նշվեր Թուրքիայի պարտավորութիւնները՝ անվերապահորեն դաշնակիցներին թողնելու էգեյան ծովի բոլոր կղզիները³¹:

Սակայն Եռյակ դաշինքի անդամները շարունակում էին սխալմամբ բոլոր կղզիները Հունաստանին հանձնելուն: Լիխնովսկին ընդգծեց, որ Հոռմի, Բեռ-

²⁷ Նույն տեղում, էջ 298—299:

²⁸ Նույն տեղում, էջ 132—133:

²⁹ «С. Петербургские ведомости», 20.1.1913.

³⁰ D. D. F., t. V, p. 195.

³¹ Նույն տեղում, էջ 199:

լինի ու Վիեննայի միջև բառակցությունների հետևանքով Եռյակ դաշինքը վերջնականապես հանգել է այն եզրակացության, որ Թուրքիային պետք է թողնվեն Դարբանեխին կից կղզիները, ինչպես նաև՝ Քիոսն ու Միթիլենը³²։

Իսկ Դոդեկանեսի հարցը Եռյակ դաշինքը շրջանցում էր, այն չհամարելով կոնֆերանսի քննարկմանը ենթակա հարց, դրանով փակ փառապորտն ճանաչելով կղզիների խոսալական օկուպացիան։

Եռյակ դաշինքի երկրները լավ էին ըմբռնում, որ էգեյան ծովի թուրք վերգ-պիները Հունաստանին հանձնելու դեպքում Անտանտան, մասնավորապես՝ Անգլիան ու Ֆրանսիան, իրենց լիակատար գերիշխանությունը կհաստատեն Միջերկրական ծովում և այն կվերածեն «Անգլո-ֆրանսիական լճի»³³։ Սրանով պետք է բացատրել այն համառ դիմադրությունը, որ կղզիների հարցում դրսևորում էր Եռյակ դաշինքը։

Վերջինս կտրականապես հրաժարվեց նաև Թուրքիայի վրա ճնշում գործադրելուց. «Եվրոպան,— հայտարարեց Վիլհելմ II-ը, պետք է ձեռնադաշնա մահն ափ միջամտությունից»³⁴։

Նավային ցույցին չափազանց բացասաբար տրամադրված գերմանական կառավարությունը կարողացավ վիժեցնել Թուրքիայի վրա հարկադրաբար գործադրելու ձեռնարկը և հունվարի 13-ին Գրեյը հարկադրված եղավ ետ վերցնել իր առաջարկը³⁵։

Լոնդոնի դեսպանաժողովում քննարկվող հարցերի շուրջ դրսևորված Եռյակ դաշինքի վերաբերմունքը թուրքական կառավարող շրջաններում ընդունվեց խորին դուստնակությամբ։ Ի նշան երախտագիտության, Թուրքիայի արտաքին գործերի մինիստրը հունվարի 10-ին պաշտոնապես շնորհակալություն հայտնեց գերմանական կառավարությանը³⁶։

Եռյակ դաշինքի աջակցությունը մեծ հույսեր ներշնչեց Թուրքիային. «Տեղությունների մի խումբ ճանաչում է կղզիների վրա ունեցած մեր իրավունքները», — հայտարարեց գեներալ Օսման Նիզամի փաշան³⁷։ Իսկ նավային ցույցից հրաժարվելը Լոնդոնի թուրքական պատմվիրական դեկալար Ռեշիդ փաշային հիմք տվեց հայտարարելու, որ «տերությունների հարկադրանքը ծովային ցույցով կամ առանց դրա, միևնույնն է, կմնա անհետևանք»³⁸։

Ի վերջո, գործն ավարտվեց տերությունների սոսկ դիվանագիտական ելույթով։ Հունվարի 17-ին նրանք թուրքական կառավարությանը պահանջ ներկայացրին, որպեսզի նա իրենց վրդներ էգեյան կղզիների հետագա փոխակի որոշումը, երաշխավորելով այդ հարցը լուծել առանց սպառնալիք ստեղծելու Թուրքիայի անվտանգությունը³⁹։ Բայց, նրանց հակապատկանությունը այնքան էին սրվել, որ ի վերջո չկարողացան փոխկրոտ որոշում կայացնել։ 1913 թ. մայիսի 30-ին Լոնդոնում կնքված հաշտության պայմանագրում կղզիների հարցը մնաց բաց։ Այն ենթակա էր մեծ տերությունների վճռին։

³² Նույն տեղում, էջ 232։

³³ Նույնը, էջ 607։

³⁴ Նույն տեղում, էջ 262։

³⁵ Նույն տեղում, էջ 267։

³⁶ Y. H. Bayur, Türk İnkılâbı tarhihi, cild II, kısım II, Ankara, 1943, s. 235.

³⁷ «Le Temps», 18. I. 1914.

³⁸ «С. Петербургские ведомости», I (14). I. 1914.

³⁹ D. D. F., t. V, p. 254—255.

Ընկնելով մեծ տերութունների հովանավորության տակ, էգեյան կղզիները դարձան մանր դրամ՝ նրանց խոշոր քաղաքական պայքարում⁴⁰։ Արտաքինից թվում էր, թե կղզիների խնդրում անմիջականորեն պայքարում են Թուրքիան և Հունաստանը։ Սակայն պայքարը հիմնականում մղվում էր իմպերիալիստական տերութունների միջև, իսկ Թուրքիայի և Հունաստանի շահերը ստորադասվում էին նրանց ընդհանուր քաղաքական նպատակներին։

Էգեյան կղզիների շուրջը վիճաբանությունները բուռն կերպով շարունակվեցին նաև Լոնդոնի հաշտությունը կնքվելուց անմիջապես հետո։ Տերութուններից յուրաքանչյուրը համառորեն ու հաստատակամորեն պաշտպանում էր իր շահերը։

Վերջապես, 1913 թ. օգոստոսի 1-ին, ամփոփելով տերութունների տեսակետները, Գրեյը առաջարկեց կղզիների խնդրի հետևյալ լուծումը. Հունաստանին են անցնում հունական բնակչությամբ և հունական զինված ուժերի կողմից վրավված կղզիները, որոնք ապառաջմականացվում են։ Հունաստանը Թուրքիային է վերադարձնում Թենեզոսը և Իմբրոսը։ Թուրքիան Լոզանի պայմանագրի II հոդվածը կատարելու դեպքում Խաղիքան էվակուացիայի կենթարկի իր զորքերը Դոդեկանեզից և ալև կվերադարձնի Թուրքիային։ Աթոսադեմ, Դոնյի բանաձևում ակնարկվում էր, որ Դոդեկանեզյան կղզիների վերջնական բախտը որոշվելու էր ապագայում։

Գրեյի կատարած առաջարկը ալբանական հարցում Խաղիքային արված բացահայտ զիջում էր։ Դրա համաձայն, Ալբանիային պետք է մնային Կորիցան, Ստրլուսը և Սասենո կղզին⁴¹։ Այսպիսով, ղեկարգելով Հյուսիսային էպիրոսի նկատմամբ Հունաստանի պահանջները, Գրեյը փոխզիջման ճանապարհով ձգտում էր թուլացնել Խաղիքային համառությունը կղզիների հարցում։

Սակայն Գրեյի ծրագիրը հաջողություն չունեցավ, իսկ քաղաքական իրադարձությունների փոփոխությունը նոր տեսակետներ էր մտցնում կղզիների խնդրի լուծման բնագավառում։

1913 թ. առնանք ռուսական կառավարությունը կղզիների հարցում փորձեց համաձայնության գալ Գերմանիայի հետ, միանալով Քիոս և Միթիլեն կղզիները Թուրքիային վերադարձնելու գերմանական կառավարության առաջարկությանը և ցանկանալով դուրսացնել Արևմտյան Հայաստանում բարենորոգումներ անցկացնելու ծրագիրը⁴²։ Այդպիսով, Քիոսը և Միթիլենը Թուրքիային վերադարձնելու պայմանով ռուսական կառավարությունը հույս ուներ ամրապնդել փոխդեպուտանը Արևմտյան Հայաստանում։ Ուրեմն, Հայկական հարցը որոշակիորեն հանդես էր գալիս ոչպահանջարկելի պրոբլեմի քաղկացուցիչ մաս՝ ընդհանուր առմամբ կապված լինելով կղզիների հարցի հետ։

Հունաստանում դրսևորվող գերմանափրական ձգտումները, որոնք բացահայտ դարձան Կոնստանդնուլիի գահ թափարանալուց հետո, Գերմանիայում ընկալվում էին գոհնակությամբ։ Այդտեղ արդեն մտածում էին հունա-ռուսական-թուրքական խմբավորում ստեղծելու մասին։ Ուստի, Թուրք-հունական տարաձայնությունները վերացնելու համար գերմանական դիվանագիտու-

⁴⁰ Ф. И. Нотович, Дипломатическая борьба в годы первой мировой войны, т. I, М. — Л., 1947, стр. 113.

⁴¹ D. D. F., t. VIII, p. 560.

⁴² Նույն տեղում, էջ 626։

թյունը համարեա եկաւ խնդրի լուծման հետեւյալ առաջարկով. Իտալիայի օկուպացրած Դոդեկանեզը անցնում է Հունաստանին, Վերջինս, հագրատ Թուրքիայի, հրաժարվում է Քիոսից և կամ՝ Միթիլենից⁴³։ Ուրեմն, հանուն հույն-գերմանական համաձայնության, Գերմանիան զոհաբերում էր իր դաշնակցի շահերը, որը Հռոմում չէր կարող չընկալվել մեծ դժգոհությամբ։

Կղզիների խնդրի լուծման գործում հակասությունները սուր էին ոչ միայն երկու խմբավորումների, այլև՝ այդ խմբավորումների անգամ տերությունների միջև։ Այդ էր պատճառը, որ 1913 թ. աշնանը կղզիների հարցը սպառնում էր խզում առաջացնել տերությունների միջև։ Մյուս կողմից, այդ հարցում չափազանց լարված իրադրություն էր ստեղծվել Թուրքիայի և Հունաստանի միջև։ Այդպիսով, Արևելքում բորբոքված հարցերից ամենահրատապը այդ ժամանակաշրջանում էգեյան ծովի կղզիների հարցն էր, որը, Յագովի կարծիքով, հղի էր պատերազմի վտանգով⁴⁴։

1914 թ. հունվարի 24-ին անգլիական վառարարությունը առաջարկեց ի թիվս Թենեդոսի և Իմբրոսի, Թուրքիային վերադարձնել նաև Կաստելլորիդոն, Խնդիրը ավելի չկնճռոտելու համար Դոդեկանեզի հարցը բաց էր թողնված։ Դրանք իրականացնելու համար Լոնդոնը առաջարկում էր Աթենքում և Կ. Պոլսում կազմակերպել տերությունների ընդհանուր ելույթ⁴⁵։ Սակայն Կենտրոնական տերությունները վճռականապես հրաժարվեցին միանալ անգլիական առաջարկությանը։ Իտալիան նույնիսկ դրդում էր Թուրքիային վերագրավել կղզիները և այդպիսով Եվրոպային վանքեցնել կատարված փաստի՝ առաջ այնպես, ինչպես ժամանակին կատարվեց Ադրիանոպոլիսը վերագրավելիս⁴⁶։

Թուրքիան, իր հերթին, փորձում էր ետ ստանալ նեղուցների ու Փոքրասիական ափագծի պաշտպանությունը ապահովող կղզիները։

1914 թ. ամռանը ժամանելով Փափղզ, Ջեմալ-փաշան ֆրանսիական կառավարությանը հավաստիացնում էր, որ եթե վերջինս նպաստի կղզիները Թուրքիային վերադարձնելուն, ապա Թուրքիան պատրաստ է միանալու Անտանտին⁴⁷։

Սակայն, Ֆրանսիայի ու Անգլիայի տեսակետով, այդ պահանջը անիրականալի էր։ Նրանց աջակցությունը Հունաստանին գիտակցական այն քաղաքականության հարդյունքն էր, որի նպատակն էր բալկանյան երկրներին հավաքագրել Անտանտի մեջ։ Այդ խմբավորման հիմնական առանձնահատկությունն էր դաշինքը Ռուսաստանի հետ, որը որոշակի չափով նախատեսվում էր իրականացնել ի հաշիվ Թուրքիայի և ոչ թե դաշինք նրա հետ, որը երաշխիքներ էր տալիս ընդդեմ Ռուսաստանի։ Դրանով պետք է բացատրել այն խուսափողական դիրքավորումը, որ Ջեմալ փաշայի հետ բանակցելիս հանդես բերեց Ֆրանսիայի արտաքին գործերի մինիստրությունը⁴⁸։

⁴³ Նույն տեղում, հ. 8, էջ 402։

⁴⁴ Նույն տեղում, փաստաթուղթ № 456, № 482, № 321։

⁴⁵ Նույն տեղում, հ. 9, էջ 168—169։

⁴⁶ Международные отношения в эпоху империализма. Серия III. т. I, М.—Л., 1931, стр. 401—402.

⁴⁷ Д ж е м а л ь паша, Записки, Тифлис, 1923, стр. 87.

⁴⁸ В. В. Готлиб, Тайная дипломатия во время первой мировой войны, М., 1960, стр. 49.

Կղզիների խնդրի շուրջը ծավալված դիվանագիտական համառ պայքարը անարդյունք կերպով շարունակվեց ընդհուպ մինչև 1914 թ. օգոստոսը, երբ կղզիների խնդիրը միաձուլվեց այն բոլոր հակասութիւններին, որոնց լուծման համար իմպերիալիստական տերութիւնները սանձազերծեցին համաշխարհային պատերազմը:

ЭГЕЙСКИЕ ОСТРОВА И ПОЛИТИКА ИМПЕРИАЛИСТИЧЕСКИХ ДЕРЖАВ (1912—1914)

Г. С. КИЛИМДЖЯН

Р е з ю м е

В политике империалистических держав относительно островов Эгейского моря проявились глубокие противоречия. Имело место не только принципиальное расхождение позиций империалистических блоков — Антанты и Тройственного союза — по вопросу о принадлежности Эгейских островов, но и значительные разногласия между странами-участницами внутри каждого блока.

В решении проблемы Эгейских островов, с различных точек зрения, но одинаково пристрастно были заинтересованы все державы, стремившиеся к усилению своего влияния в Восточном Средиземноморье, на Балканах и Ближнем Востоке.

В этом смысле проблема островов и проливов была частью их Балканской и ближневосточной политики, и потому представляет особый интерес.

Антанта, в частности Франция, настойчиво выступала за сохранение островов в составе Греции, оккупировавшей их в период первой Балканской войны. Державы Тройственного союза добивались возвращения островов, расположенных у проливов, а также Хиоса и Митиле — Турции.

Попытки разрешить проблему островов путем переговоров закончились безрезультатно, и к началу первой мировой войны их судьба оставалась нерешенной.